

2. 1000 p. 100

Digitized by the Internet Archive
in 2017 with funding from
Getty Research Institute

INSCRITTIONE CHE ERA POSTA
intorno del letto d'oro fatto in mezo del
Catafalco.

D. O. M.

CADENTIS HOMINVM FORTVNAE SAEVITIA
CAROLO HISPANIARVM PRINCIPI
CHRISTIANISSIMO.

VICTORIOSISS. ET CATHOL. PHILIPPI REG. FIL.
DIV. CAROLI ET FERDINAN. CAESS. NEP. DIVI
PHILIPPI HISPAN. REG. PRONEP. DIVI
MAXIMIL. CAES. ADNEP.

IMMATVRE IN MEDIO SVI ORIENTIS
LIMINE EXTINCTO.

GABRIEL A CVEVA ALBVRQ. DVX
INSVBRICAE PROVINCIAE
PRAEFECTVS

AD MORTIS MOESTITIAM TANTI SVI PII
PRINCIPIS DECLARANDAM
SPEMQ. AVREI FVTVRI SACVLI EVERSAM
NON SINE LACHRIMIS MOERENS
POSVIT.

M. D. LXVIII.

HIERONYMI MONTII
IVRECONSVLTI MEDIOLANENSIS
AC REGII SENATORIS
ORATIO

HABITA MEDIOLANI.

INFVNERE SERENISS. CAROLI AVSTRIL,
HISPANIARVM PRINCIPIS
IN AEDE MAXIMA.



QV AR. IDVS OCTOB RIS.
M. D. LXVIII.

ADDITA SVNT ORATIONI STUDIO-
*forum aliquot Virorum Carmina, post eam habitam com-
posita, Eiusdem Principis mortem deplorantium.*

ILLVSTRISS. ATQVE EXCELLENTISS.

DON GABRIELI A, CUEVA,

DVCI ALBVRQVERQVENSIVM.

AC PRINCIPI OPTIMO.

HIERONYMVS MONTIVS.



V S S I S T I ut in hoc ferali luctu, atq; hisce
exequijs, tanta cum mocroris significatione cele-
bratis, ego funebrem Orationem, tanti doloris te-
stem, haberem, iussisti etiam, ut ea, quæ audiue-
ras, scriptis mandarē, Et ad te mitterē; Vtrumq;
ut mandatis tuis parerem, præstiti, dispari tamen
conditione, quoniam, qui, ea, quæ festinata quadam opera in
unum congeßit, (ut hæc sunt) tantum enuntiat, habet in quo fal-
lere possit auditorem, dum, uel ob uocis claritatem, aut suauita-
tem, uel ob actionis lenocinium, illa quæ tenuia sunt, aliquid ui-
dentur esse; At lectio, adhibita longioris moræ cogitatione, quic-
quid parum recte, scriptum, Compositumue, fuerit, agnoscit; ac
omnes nauos in oratione deprandit, Quæ in re, Et maior ingenij
alea subiri, Et maior existimationis (si qua subest) iactura, fieri
potest, ut cumq; res cedat, mihi sat erit, tuæ auctoritati parere,
Et mea qualiacunq; scripta, prudentissimo Iudicio tuo suppose-
re: Primum ut Excellentia tua, deinde Cateri omnes, deuotum
meum animum, promptamq; uoluntatem, et incredibilem obser-
uantiam, erga eam, cognoscant, quam Deus, Optimus, Maxi-
mus, dui incolumen seruare, ac in dies, magisq; fortunare uelit.
Mediolani sexto Calen. Nouembris. M. D. LXVIII.

HIERONYMI MONTII
ORATIO.
HABITA IN FVNERE
SERENISSIMI CAROLI
HISPANIARVM PRINCIPIS.



I quot mihi accerbissimi luctus cause, in funere, CAROLI AVSTRII, Hispaniarũ Principis, nunc se se efferunt, tantum etiam in dicendo facultatis, ac viriũ, suppeteret, ut eas enumerare, ac copiosius pro rei dignitate explicare possem, profecto, nihil moestiũ, nihil lugubriũ, aut miseriũ, non solum huic frequentissime concioni, sed toti plane huic Ciuitati, atq; uniuersa Mediolanensi ditioni, ipsis deniq; Hispanijs, hoc tempore, contingere potuisse ostenderem; Casumq; hunc, talem ac tantum extitisse, ut nullus, desiderio, doloriq; modus, aut finis, imponi posse uideatur.

Nam quis conceptum ex tam tristi nuntio mœrorem tuum, Don Gabriel a Cueva, Dux Alburquerquensum Illustrissime, atq; Excellentissime, huius Mediolanensis dominij, moderator Integerrime, ac sapientissime, satis digne expresserit? quem non solum CAROLI AVSTRII mors, quẽ tantopere obseruare, & colere consueuisti, sed etiam Philippi patris Sũmus dolor, tibi cognitus, sic affecerunt ut quam, nuper in unius filij tui obitu. admirabilem animi firmitatem constantiamq; prestiteras, eam, audita Caroli morte, Seruare retinereq; non potueris, sed debilitato animo, Secretos recessus, ac solitudines querens, per multos dies conspectum hominum uitaueris, & quasi lucis Impatiens, in Intimis Aulae tuae penetralibus te abdideris, nequa usquam in parte lati quicq; tibi posset occurrere, neue consolationis uox illa exaudiri, adeo ut nisi tua illa incredibilis prudentia, atq; nigens preclarissimi tui muneris obeundi cura, paulum a mœrore te reuocasset, & a solitudine abstraxisset, ueriti simus, ne diutius uitam acer-

bam luctuosamq, duceres.

Etenim commune quoddam parentum uotum, ac certa natura lex, esse uidetur, ut filij patribus superstites esse debeant, quo fatigatis praesto sint, & ea quae debent pietatis offitia persoluant, secundum naturam (Inquit Cicero) est, Senibus, emori, adolescentibus, aduersante, ac repugnante natura, At hic turbato, peruersoq, natura ordine, creptus ante diem Philippo patri est filius, Proh dolor, ante parentis oculos, filij funus ducitur, Pater Superstes, sibi praeceptam spem, sibi ademptum successorem, sibi in ipso atatis flore, extinctum filium, inspicit.

Quo tam miserabili casu, com moti, uos, Viri & Proceres praclarissimi, ad cohonestandas hasce exequias, atq, ad hunc Supremum honorem, amatissimo Regis nostri filio tribuendum, tam frequentes, quot numq, antea, in hanc amplissimam Basilicam, atrati omnes, cum toga pulla, aduenistis, ut comunem hunc mœrorem uestrum regia Maestas agnoscat.

Quod si ex eo hominum genere is sit, quem talia premunt infortunia, cui modica sit suppellex, cui tenue, ac pusillum, restet patrimonium, quo defuncto omnis memoria simul cum uita aboleatur, hic non magnam iacturam, ex filij morte, sequi existimandum est, non magnum damnum, patri euenisse, est dicendum, si illis, quas non habet, facultatibus, heredem, aut successorem, nullum relinquat; At ei qui amplissimas potestates, qui tot regna, ac magna Imperia post se dimittat, cui in posteros tot ditiones transmittere expedit, quid grauius contingere potest, quam, si herede proximior, si legitimo successore, priuatus repente remaneat? Neq, enim defuere, qui Regum ac Principum conditionem fluminum Instar esse uoluerint, quae, subsequens, ac numquam deficiens unda, perrennia facit, ac perpetuo fluere, iidemq, magis in rem atq, utilitatem subditorum, esse affirmarunt, Regem ex successione habere, quam per electionem.

Atq, ut, dum Regio apparatus, de more, tam Magnifice Iusta persoluntur, etiam hoc laudationis munus, qua fieri per me poterit diligentia, Impleatur, Tria mihi dicenda proposui, quibus ob-

latis

*lutis, triste hoc omne mihi demandatum ministerium, peregis-
se me existimabo.*

*Dicam enim, quo in loco natus, Carolus Austrius fuerit, Deinde,
quo ortus genere, Mox, quo peditus ingenio, ac uirtute, qua In-
stitutus disciplina, si diutius uixisset, ad tot regna, atq; imperia
administranda, peruenisset.*

*Ac primum, Natale illi solum contigit, in celeberrimo Vallis sole-
ti, ulterioris Hispania, oppido, septimo Idus Iulij, anno a salutis
nostræ exordio, millesimo, supra quingentesimum ac quadrages-
simum quintum.*

*Secundum uero, quo Amplius ac præstantius est, quo uberius argu-
mentum suggerit, eo mihi difficilius uidetur, quoniam, quo plu-
ra de illius stemmate, ac generis nobilitate dicere uoluerò, eo me
maior rerum copia obruet, in qua, nec modus in dicendo, adhi-
beri, nec finis facile inueniri potest, Nam si (ut Xenophon inquit)
neq; maius, neq; pulchrius, quicquam dici potest, quàm quòd
quis ex Regibus natus sit, & Rex ipse sit, quid de Carolo Austrio
dicemus? quem sex continua summorum Imperatorum series ex
ornat; Nam & Maximilianum patruelem, & Ferdinandum
patruum magnum, & illum, numquam satis laudatum Carolū
Quintū, Auū, nostra ætas uidit florentissimos; Maximilianū
uero Abauū sunt etiam qui cognouerint, & magnis in celum
laudibus efferant; Federicum porro Tertium Atauū quietis-
sime annis quinquaginta quatuor Imperasse legimus, non tam
fato quodam quàm ob summam eius prudentiam, ob quam etiā
summis Pōtificibus gratus, acceptusq; fuit; Albertum uero Au-
stria Ducem, & Imperatorem, si non statim supra Atauū, ac
inter eius maiores connumerabimus, Quod si ommissa paulis-
per Imperatorem serie, summos Austriacæ stirpis Viros, ac Prin-
cipes supra Federicum Tertium recensere uoluerimus, Ernestū;
Leopoldum; Albertum sapientem, atq; Albertum sapientis pa-
trem, Rodulfumq; Ausburgensem, Alberti illius quem nuper
retulimus patrem huius gentis authorem inueniemus, qui post
longum a Federici secundi morte inter regnum, decem et octo an-*

nis impetrauit, *A quo, ceu comuni quodam parente, centum ac sex posterì connumerantur, adeo ut si tam ampla posteritatis, & titulos, & præclara, ac fortiter gesta, domi forisq; dicenda mihi essent, dies me citius deficeret, Illudq; eueniret, quod his contingere solet, qui dum totum orbem in breui & angusta tabula describere conantur, ut spectantium oculis rem omnem statim subiiciant, id assequuntur, ut nec locorum magnitudo, nec terrarum spatia, atq; amplitudo, in ea dignosci possit, & multum rei dignitati detrahatur, sic etiam fiet, ut si ego breuior esse uoluerò, obscurus fiam, nec satis quod suscepi munus impleam, ut scilicet uos in eam rerum admirationem traham, quam et res ipsa postulat, & hoc quod agimus requirit, Itaq; satis sit mihi, uos ad amplissimos historiarum libros, a disertissimis hominibus conscriptos relegasse, in quibus huius gentis amplitudinem, numerositatem, ac diuinam quandam uirtutem, plenius cognoscere, perspicere ac intueri licebit.*

Idmonet me paterna, atq; a uitæ claritatis ac amplitudinis commemoratio, ut nec decus, aut nobilitatem, quæ ex Auiæ paternæ splendore illi obuenit silentio præteream, Sed quis audito Isabella, ac Ferdinandi, Castulonis & Aragoniæ Regum, nomine, non statim sibi in animum inducat? bella aduersus Mauros gesta, ac commissa multo cum sanguine prælia, Liberatas a Saracenica, & aphricana rabie ac impietate, Hispanias ante oculos ponat? Quis non impossibilia me captare affirmet? si uelim in hoc præscripto mihi ad dicendum tempore. atq; in his angustijs, tot casus tot gesta, tam generose, tam sapienter tam fœliciter comprehendere; Ab ea scilicet Isabella, ac Ferdinando, progenita est Ioanna filia, Serenissimo postea Philippo Austrio matrimonio coniuncta, Ex qua deinde, Maximus ille Carolus Quintus, huius Caroli quem lugemus Auius, est procreatus.

eminem uero hoc loco futurum arbitror, qui id a me nunc iure requirat, ut hac mea oratione enarrare uelim, quantus Carolo Austrio fulgor, quanta Maiestas accesserit, quod illi, & Carolum Quintum, Maximum Imperatorem, Auum; et eius filium, Philip-

Philippum Austrium, maximum Regem, patrem habere contigerit, & summas illorum uirtutes, illorum praeclara insignia, ac Illustria gesta referre, Quando & ea adeo recentia sunt, & tot testes uiuos, presentes, habeant, ut omne meum de illis testimoniū superfluum sit futurum, quæ uno omnium populorum, nationumq; ac prouinciarnum consensu, unaq; omnium uoce celebrentur, Quo fit, ut propter tantam illorum magnitudinem, atq; amplitudinem, omnis mea, ieiuna, tenuis, arida, merito unicuiq; uideri debeat oratio; & non secus sit, ac si, (quod dicitur) soli lumen inferre conarer.

Maternum uero genus, Carolus, ab Nobilissimis Lusitanorum Regibus ducit, quorum non tam ampla, ac spatiosa regna, quam summam uirtutem, summam in naualibus bellis fœlicitatem diligentissimi rerum gestarum scriptores laudant, extollunt, admirantur, qui non hoc orbe contenti, Antarticha plaga explorata, atq; adita, in Æthiopico littore, populos subegerunt, in Carmania, atq; India, deuictis Regibus, occupatis celeberrimis Emporijs, sedes arcesq; extruxerunt, ualidisq; praesidijs firmarunt, mox fœlici navigatione usi, ad auream usq; chersonesum penetrarunt, in qua Regem Malacha, armis uictum superatumq; tributarium fecerunt; eoq; ualido robore, ac praestanti uirtute, noua regna assequuti, & adepti sunt, ut in illa christiana Religionis cultum transferrent, & Deo, Optimo, Maximo, tot animas deuotas redderent, quot disertæ illæ Lusitanorum Patrū litteræ, iam uulgatæ, ac praelis excussæ, legentibus copiosissime explicant, & ostendunt; Tanto maiora opera, ac praestantiora, quāto laudabilius est, non pro suis tantum commodis, uitam ac sanguinem effudisse, quā pro christiana fidei propagatione, & amplitudine. Hic igitur Carolus defunctus ex Maria Iohannis tertij Lusitani Regis filia, in lucem prodijt, & Auum maternū Regem habuit, natum, et ipsum ex Catherina Caroli Quinti sorore, & pro auum, Iohannem Emanuelem pariter lusitaniæ Regem, Quorum omnium uirtus, splendor, ac Maiestas, ita me in eorum admirationem rapit, ut uerear ne si in recesendis rebus
ab eis

ab eis præclare fortiterq; gestis, immorari incipiam, ita in altũ,
ueluti secundis uentis actus ferar, ut non facile uela contrahere,
ac quoties uoluerò portum repetere postea possim, paucaq; potius
dixisse malo, q̃ reliquorum qua dicenda supersunt, his immoran-
do, cursum retardasse.

Tertium uero, quòd propius ad ipsius Nobilissimi Principis natu-
ram, ac uirtutem accedit, quòdq; etiam magis propriũ eius esse
dicitur, nunc me uocat, atq; ut me totum in eius laudũ cõmemo-
rationem accendit, ita pariter amissi Principis dolorem reno-
uat, cum sci licet tot in eo uirtutũ semina apparuisse considero,
nam cum ea qua animi bona dicuntur, præstantiora sint, corpo-
ris uirtutibus, non aliunde melius, quàm ab ea, qua omnium uir-
tutum fundamentũ est, & caput, exordium capiam, Ab ipsa scili-
cet Religione, & diuini cultus obseruantia. Nam quis hoc Prin-
cipe Religiosior est uisus? facit enim interdum summa dignitas,
ac potestas, ut uulgatum illud inter parũ iustos Principes, Quic-
quidlibet liceat, in usu maxime sit utq; homines qui a natura a
labore, magnis proni ac procliuēs ad uoluptates sunt, in maximã
dicendi, ac fatiendi libertatem sæpe labantur, sacras interdum
iussiones, ac sanctissima præcepta transgrediantur, Quod neutiq;
fecisse Carolum Austriũ cognouimus, Nam neq; quotidiana
sacrã intermittere, etiã puer, umq; uoluit, & quotidianas pre-
ces, quas etiam religiosi Monachi singulis diebus enuntiant, post-
quàm semel recitare instituit, numquàm postea intermisit. Res
efferuescente iuuenilis ætatis calore, in Principe maxima com-
mendatione digna, ita uero pauperum semper est misertus, ita
eorum inopiã subuenire assidue curauit, ut nihil maiori curã illi
esse uideretur, quàm indigentibus succurrere, atq; omni ope illo-
rum miseriam subleuare.

Verum cum a Religione discessi tum iustitiæ cultus succedit, nam
animum ita a natura institutũ habuisse cum accepimus, ut nul-
lus, nec priuatus quidem, obseruantior legis extitisse uideatur, cũ
& iniurias arcere, & ne quid a quoquàm ui auferretur prohi-
bere, adeo sanctum ac pium existimaret, ut quoties, raptorem,
latro-

latronem, furem, aut scelestum aliquem, casu, iustitia manus eua-
sisse, ac non meritis penas dedisse intelligeret, uehementer com-
moueretur, tantū in illius mente colenda iustitia studiū infederat.
Constantiam plane animi, tantam in eo uiguisse referunt, qui Prin-
cipis huius, mentem, factaq;, optime nouerunt, ut maior deside-
rari non posset, neq; enim casus, aut pericula, timido, & fracto
animo expauit, & si quando, q; animosis iuuenibus, arma, &
equos tractantibus contingit, ut uel corpus, aut membrum la-
deretur, non ideo tamen, timere, aut animo consternari solebat,
sed intrepide, ac generose, omnia perferre consuevit, Tenacita-
tem uero propositi, ac firmam fidem, in nullo magis immutabile
extitisse, cognitum est, neq; enim, quod semel pollicitus est, face-
re distulit, inconstantes uero ac uarios, dubia fidei, ac fadifragos,
longe ab se se semper reiecit.

Et quoniam, uenationem, rerum militarium uerissimam esse medi-
tationem, dici sapissime audierat, ita se in ea exercuit, ut infe-
ricudis, uel arcu, uel iaculo, feris, magnam nauaret operā, idq;
& pedes, & Eques, adeo ut corpus laboris, atq; operis patientis-
simum redderet, Cyri illius persarum Regis tantopere laudati,
exemplum sequutus.

In ipsa, plane liberalitatis uirtute, qua, una cum clementia, Princi-
pes (ut sapientissimi uiri testantur) pene dijs æquat immortalibus,
usq; adeo excelluit, ut licet, filius familias, præscriptos habe-
ret redditus, quos expenderet, non tamen illis contentus, plura sem-
per erogaret, & largiretur, quā illi ex prefinita summa conce-
deretur, ratus, quod uere litteris mandatum est, liberalitatem
in Principibus non posse modū excedere, Neq; beneficentiam su-
am in moriones, parasitos, aut assentatores, exercere uoluit, sed
in uiros fortes, emeritos milites, arte aliqua, uel uirtute præstan-
tes, uel eos quos summa egestate uere premi intellexisset, neq; enim
beneficia illa liberalisq; natura, finibus aliquibus coherceri, re-
stringiq; poterat, quin iuuaret, quin prodesset, quin indigenti-
bus opem ferret, Neq; in ipsa tantum pecuniarum utili tradi-
tione; liberalitatem, & beneficentiam ipsam, exercuit, sed in co-
hone-

honestandis bis quos uirtutis causa amare ceperat, opera, consilio, auctoritate. in id precipue intentus, ut, uel ad magistratus alicuius administrationem promouerentur, uel ut honorem, dignitatemue aliquam, consequerentur, nullamq; maiorem, q̄ ex dandi, beneq; fatiendi conscientia, uoluptatem capiebat, huius ego Principis eximiam liberalitatem, cum antiquorū Regum atq; Imperatorum, munificentia legerem, non habui cui magis quam Alexandri Seueri Imperatoris benignitati comparere, qui largiter donasse non contentus, timidius, & ne nimis molesti essent, frigide postulantes, ultro ad petendū inuitabat, atq; hortabatur. Prudentiam hoc loco, ac sapientiam a natura insitam recensere possunt, qui sepe multa ex dictis fastiue eius, non parum admirati sunt, in bellicis autem rebus obeundis administrandisq; prouincijs, aut regnis, exercitam, refferre non possum, quod hanc molem paterna sustineret prouidentia. Interim uero in Aula patris educatus, illud etiam magnum sui specimen praeuit, ut prompti & arguti ingenij laudem maximam refferret, ualde enim Carolus Quintus Auius paternus, uir, & summa uirtutis, & maximi inditij, eius ingenio, delectabatur, certiorq; sapissime fieri optabat, quid ille ea etate dixisset, fecissetq; adeo, ut quamuis remotissimis in regionibus degeret, scriberentur tamen ad eum ea de re frequentissime litterae; Sexcenta refferri possent, eius dicta, salsa, arguta, laconica breuitate, sed significantia, quae non praemeditatus, sed apte, apposite, repente protulit, magna cum omnium qui aderant admiratione, & quoniam, diuino quodam ingenio praeeditus, illud uerissimum esse cognoscebat, quod a sapientibus traditum est, Nihil tam necessarium esse quam scire, hancq; sapientiam, ante rerum usum, nulla facilius uia acquiri, quam ex sollicita & frequenti rerum inuestigatione, huic rei maxime operam dabat, ut si quis illum exterius, aut peregrinus adisset, diligentissime de rebus omnibus eum interrogaret, nec prius dimitebat, quam eius ingenium, genus, uitam, patriae mores, causam aduentus, quid quereretur, quo progredi cogitasset, diligentissime percunctando, ab eo intellexisset; tantumq;, hac sagaci & laudanda

danda curiositate profecerat, ut ille in Hispanijs natus, & numquam inde egressus, cuiusq; actiones, & gesta, & locorum situs, melius interdum noscet, quam illi ipsi, qui quotidie illis in locis unde uenerant, uersati fuerant; Meminiq; ego ex summis uiris audisse quod obstupescerent, quoties cum illo congredierentur, animaduertenterq;, tantam in eo externarum rerum atq; hominum cognitionem; ad eo ut qui Roma diutissime mansissent, & cum eo, de ingenijs, moribus hominum, & situ urbis, sermonem habuerant, plus rapone ex eius congressu percepisse, ac didicisse affirmarent, quam ipsi ex longa mora, in ea Ciuitate acta, & diutina, ac frequenti hominum consuetudine intelligere potuissent, hocq; omne ad illius ingenij excellentiam, & numquam intermissum in percunctando studium, & assiduitatem refferebant.

Hæc sunt, quæ effecerunt, ut nuntiata, hac tam immatura morte, conslernata cunctis hæc ciuitas, mutandam statim uestem decreuerit, lachrimis, & dolori affatim indulgendum sanxerit. Sed tandem ratio expergisci nos iubet, & uanas esse has querelas, uana suspiria optime docet, precipitq; oportere nos reminisci, quod homines nati sumus, hoc est mortales; hoc certissimum, & ineuitabile fatum esse, ut quandoq; moriamur, sed quo tempore id euenturum sit, non in nostra manu positum esse; sed in Dei Optimi Maximi, uoluntate, unicumq; ac solidissimum in hisce casibus hoc esse solatium, & leuamen, si consideremus hæc diuino nutu fieri; nec noua lege, aut decreto sancita fuisse, sed firmatum iam diu, conclusum, ac stabilitum id esse, hocq; uinculo non nos solos qui ad sumus, astringi, aut ligari, sed quot quot hætenus fuerunt homines, & in futurum erunt; eumq; qui nostrum omnium curam gerit, nosce melius, ac prospicere quam id optima ratione fiat, cui parere, & acquiescere conueniat, Cogitareq; nos debere, Carolum Austrium, uti christianum Principem decebat, post sacratissimam Eucharistiam, & sanctissima ecclesia sacramenta assumpta, animam uitæ purgatā, & abstersis humanæ uitæ maculis, expiatam, puram, mundamquæ Deo reddidisse. Tibi uero, Rex PHILIPPE potentissime, ac religiosissime, quæ absen-

tem

tem uti presentem alloquor, & cui, ad eam felicitatē, que humanis in rebus potest cōtingere, nihil deesse uidebatur, ? quā ut Carolum filium, his moribus präditum, ea uita institutione ad probitatem & sanctitatem alitum, educatum, regnorum tuorum, ac tua uirtutis successorem haberes, sic existimandum erit, nil aliud quā hanc tibi præreptam gloriam fuisse, Ea q, de causa, non adeo dolendum esse quoniam non hoc tibi precipuū contigit, quòd nulli umquā maximorum Regum euenerit, ut scilicet, filium, annum uigēsimum tertiuū agentem amitteres, cum id multo grauius, multo calamitosius, existimandum sit, quòd uni sanctissimo uiro Iob, in sacris litteris, euenisse, legimus, ut scilicet, una die, decem ei adempti liberi fuerint, Quid si id euenisset, ? quod, & quandoq, contigisse rerum gestarum scriptores, nos docent ? ut eodem prælio, eodem tempore, & pater & filij ferro interempti prorsus fuerint, unaq, dies & patrem & totam familiam, ac posteritatem simul absumpserit, non ne & funestior, & miserabilior casus hic extitit ? consolatio postremo & illa non mediocris ad iungitur, Rex fortissime, & Inuictissime, quòd conuinx tibi data est facundissima, & filia adhuc superstites, adeo ut fere dubitandum nō sit, quin (Djs bene iuuantibus) etiam masculos paritura, & longa liberorum serie domum tuam sit impletura, huicq, tam felicissimo Imperio tuo, successores tui similes, subditis tibi deuinctissimis gratissimos sit relictura; quòd in magnis doloribus, & angustijs, in tanta mentis, atq, animi, perturbatione, maximum debet esse solatum, Quamobrem maxima etiam, per te, per tuos subditos, Deo immortalī agenda sunt gratia, quod ita tecum egerit, ut in unius filij ademptione, non te tamen omni posteritate priuauerit, non spem futura iobolis panitus abstulerit, eo tempore, quo & uegetum adhuc corpus, & administrationi rerum publicarum, & liberorum procreationi, possit sufficere.

Querationes, Don Gabriel, Dux Illustrissime, & Princeps optime, non tam ex ipsis Ethincorum Philosophorum fontibus hausta, quā ex pura christiana Religionis pietate, assumpta, aliqua te ex parte consolari, atq, ad pristinam animi tui fortitudinem, re-

uocare te debent.

Ad te autem, Antistes Reuerendissime & Illustrissime Cardinalis Borromae, mea se se cōuertit Oratio, ut quemadmodum tu in comuni luctu uersaris, unaq; nobiscum dolens mares ut què inter sacrosancta hæc missæ sacrificia, uenerabundus, pro Caroli Austrij defuncti animæ salute, pie sancteq; precatus es, Ita nunc, te, ego, Rogem, obtesterq; necesse est, ut Deū, Optimum, Maximum, pro Inuietissimi Regis incolumitate, pro fortunatissimo eius Imperio, nobiscum rogare, precari, orare uelis, ut ei aduersus immanissimum Turcarū Tyrannū, ceterosq; christiana fidei hostes, quas quotidie meditatur, gloriosas, atq; insignes uictorias, & fœlicissimos successus largiatur, Pÿsq; nostris, ac supplicibus precibus, adiungere, ut eundem Philippum, sua benignitate, diu, terris, saluum, & sospitem concedat, ut ille, ea qua pergit iustitia, populos quiete regere, ac moderari, ualeat, illiquè securâ pace, ac tranquillitate, perfrui, quàm longissime possint.

Idem a te Vir Amplissime, ac Reuerendissime Cardinalis Alciate, enixe postulamus, ac petimus, ut eo animi candore, ea sinceritate, ac pietate, qua hæc diuina misteria soles tractare, hoc etiā munus præstare, atq; implere, hoc pÿssimo perfungi uelis officio.

D I X I.

IIII. IDVS OCTOBRIS M. D. LXVIII.

DE ORATIONE ILL. SENATORIS

HIERONYMI MONTII.

BARTHOLAMEI MENABENI; CARMEN.

Atiica dicendi dum gloria floruit, omnium
Ad sese, atq; animos traxit Æora hominum
At postquam aspexit latium Fortuna benigna
Cum sceptro Graijs abstulit Eloquium,
At nunc Insubrum latè facundia regnat,
Magnanimis didicit Regibus apta loqui,
Qui capit ossa, tuum, tumulus nunc Carole nomen,
Contegeret, quamuis Regia sis soboles,
Tam grandi Eloquio ni fieret funus acerbum,
Tam charum, Æque adimunt tristia fata caput,
Diuina insignis dicendi, Montius Arte,
Consilio prestans, iustitiaq; grauis,
Illustres memorat titulos dum Carole nobis,
Excudit Æmestas ex oculis lacrimas
Æthereum scandas felix Ælatus Olympium
Hic quamuis Cineres nobilis urna tegat.

AD EVNDEM ILL. MONTIVM

IO. IACOBI GABIANI: EXASTICON.

Dignus eras laudum tanto preconetuarum,
Princeps, Austriacæ Gloria summa domus
Vt tuus ad Montes ascendit spiritus altos,
Srcipta ubi sunt Calamo nomina sancta graui,
Delectus sic est, ex oratoribus, unus,
Qui sanctum nomen qui iuga montis habet.

AD EVNDEM

MARCI ANTONII BEBVLCI.

LVX erat alta, super furua Venere Tenebra,
In Populo in q; omni non erat Urbe salus

*Moror ubiq₂ subit, Flet sexus uterq₂ salutem
Eccerepentina dat Deus ipse manu,
Montius occurrit fuisitq₂ in monte lucerna,
Deterfit lacrimas reddidit illa diem.*

AD EVNDEM

OCTAVIANI VIGNATI LAVDENSIS.

*D*lcere quis poterat pro tanto Principe, laudes?
*Inuictiq₂ animi iuuenem, florentibus annis,
Magnorum Regum sobolem, toto orbe potentem?
Et mortem patribus duram; populisq₂ timorem.
Incussum, Tantamq₂ humeris assumere molem?
Nemo equidem, nisi tu, ceu mons Atlanticus, adstans,
Cuncta uidens, Mauro ad Gangem, Geminosq₂ Triones,
Australem ue plagam, stellisq₂ ardentibus Axem,
Inde daturus opem pro tali uulnere acerbo,
Surgere, Tu ex alijs potuisti; a sede Senatus
Excelsi Insubriae, crassos, summosq₂ Catones
Arpiniq₂ potens currus superare solutos,
Eloquio maiore, tuo de Monte fluenti,
Et Mæstos solari animos; Rapidosq₂ dolores
Heronum, & Populi curas mulcere latentes,
Magnanimiq₂ Ducis lacrimas sibi sistere obortas
Postquam Rex pater, Europæ pacator, & Hostium
Terror, adest, spes, Alta uirens, uictorq₂ superstes.*

EIVSDEM MARCI ANTONII

BEBVLCI IVRECONSULTI.

*D*icite Pierides, cur flentem, tempus in unum
*Insubriam, & totam cernimus Italiam,
Hesperiamq₂ omnem, Gallum, Dacumq₂, Gethamq₂.
Et flere extremos sensimus Antipodas,
Et mea luxato prodit pede, musa, timetq₂:
Vix gressum claudis sistere carminibus,*

Letitia

Letitia in lachrymas uersa est, pax, gratia, uultus
 Vertit ad ingrata limina tristitia,
 Omnis abit nobis solitus decor, omne fatiscit
 Infelices, aurum nobile, puluereos,
 Opposuit q. manum fronti matrona, profundis
 Humida conuertens sidera, sideribus,
 Atria caligant caelestia, depluit imber,
 Sol pbaetonteas liquitur in lachrymas,
 Fletibus ancipites inflarunt flumina ripas
 Quas Rex nec totus continet Eridanus,
 Indolere Duces nostris in collibus, & qui
 Longinqua imperium sub regione tenent,
 Rura, Pagi, Turres, Arces, uel castra, uel urbes,
 Oppida uel feudis subdita nobilibus,
 Transmissere suos, de finibus, Oratores,
 Qui celebrent Domini, Regia Iusta, loco
 Omnia sunt funesta, ostentant omnia luctum,
 Pallidus hic sedem, terror, & horror habet,
 Pectora quisq. manu, sua percutit, induit atras
 Prolixiores, sexus uterq. togas,
 Ipse Gubernator tam sceuo uulnere pectus
 Sancius, & lucem, uitat, & ora hominum,
 Atq. Gubernaculi cura sceproq. relictis
 Merentes tristis pergit ad exequias
 Legis ut est author, nunc it sine lege Senatus
 Nec sedet aurato splendidus in solio,
 Publica dispersis flet Praefectura magistris,
 Clauditur attonitis, Curia, iudicibus,
 Assiduos Prator non excipit aure clientes,
 Pellit ab audaces, limine, causidicos,
 Sexaginta suo Ciues cum Praeside, ducunt
 Regia bis seni funera Municipis,
 Centum Doctores, noster Pius, auspicius Djs,
 Quos Comites, Equites, Maximus, instituit

Deplo-

Deplorata simul ueniunt ad busta, Togatis
 Conuenit, Ab quantum nunc toga pulla uiris
 Et medicos Toga nigra tegit, fatalia postq̃
 Tollere pensa sua non ualere manu,
 Successor Pius exiit de sede, duos q̃
 Purpureos Roma misit ab urbe Patres,
 Ferales adolent ignes sine murice, ut illo
 Vix ruber esse duos de grege monstret apex,
 Et sacer Augusta discedens Caesar ab aula,
 In consanguineo stipite, funus habet,
 Offitium noster iubet exequiale, Philippus,
 Regia nec Regem continet ipsa suum,
 Pro sceptro cineres, pro maiestate sepulcrum,
 Nec, patris, in nati, funere nomen habet,
 Nigra coronantur triplici, laquearia, cara
 Nigrior accenso lucet in igne dies,
 Ipse sepulcrales, genitor Rex, sistit ad aras,
 Ecce iacet patrios, Carolus, ante pedes
 Nomen Aui, magni q̃ patris tulit, acta ferentem
 Fortia, in instanti Mors properata die,
 Dum mortalis erat iuuenem cito perculit, unq̃
 Si non nunc, dubium, ne moreretur, erat,
 Surripuere illi querendos fata triumphos,
 A populis illum surripuere suis,
 Hei mihi, quid facitis solo uiolastis in ic̃tu
 Improba, cum nostro, nos quoq̃, fata Duce,
 Nec iuuenem tantum nec facta illustra, nostras
 Si uos nescitis, diripuistis opes
 Ille repentino migravit ad aethera saltu,
 Nos hic in statu deteriore sumus,
 Rebus ut humanis excessit Carolus, illo
 Quo nobis nunq̃, Casare, maius erit,
 Nominis heredem rapiunt sic fata Nepotem
 Quo nil sperandum, Principe, maius erat,
 Carolus

Carolus in titulo est, Et eodem Carolus alter,
 Dissimili, hos inter, sorte, Philippus adest,
 Sorte duo meliore cubant, humus ima, sepultos
 Sensus abest) ultra mente dolere uetat,
 Vita sed asperior, sed amarior, ista, doleres
 Sensus adest) alta figere mente solet,
 Sic ideo quod uita homini damnosior, unam
 Nascendi tantum, fata dedere, uiam,
 At secus est in morte, magis, mors digna fauore est,
 Quisq; Necis species, undiq;, mille uidet
 Deploranda igitur si sunt ea funera, non est
 Desperanda breuis spes q; fides q; more
 Inuida Parca patris titulum tulit, inde propinquam
 Spem sobolis nunq; diminuisse potest,
 Sic inter Proceres, stans altior ipse Senator
 Monitus, augurio prosperiore monet,
 Spiritus in nostras sed quis percrebuit aures
 Non pater est, inquit, sed pater esse potest
 Indue Rex, ideo, uultus inuicte serenos,
 Cuncta serenari iam tua Regna uides,
 Quis scit an in praesens coalescat masculus, huius
 Iam uideo fati praescia signa boni,
 Carolus in q; sinu reptet uel rideat infans,
 Qui ualeat Regi, tertius esse, suo
 Quo crescente Pater, Regi dignetur alumno,
 Sit pariter Regi dignus Et ille patre,
 Qui ne Ugonigenas Romani nominis hostes,
 In laqueos, ipsi quos posuere, trahat
 Principe quo, Duce quo, quo Remige, quo ne magistor
 Nauiget in portus naufraga Cimba suos,
 Et subeant populis felicia tempora, Mars, Mors,
 Exulet, Et tandem parata sit alta quies,

AD

AD EVNDEM MONTIVM

IO. BAPTISTAE CERRONETTI.

Carolus (heu perijt) proles dilecta PHILIPPI,
Debita cui fuerant Regia sceptrapatriis,
Spes Patri dempta est, cecidit Flos ipse luuenta,
Hæc populos angit cura, dolorq; premit,
Stelligera ætherei formosaq; machina Cali
In qua, atq; unde salus, uitaq; christicolis,
Est geminis firmata Polis, qua, Hic, parte cadit Sol
Dat iura, Æois gentibus ILLE dabit,
Cæsarei sunt hæc fœlicia numina Reges,
AVSTRIA, Regum alitrix, quos tulit alma domus,
Hic stirpem magno Regi Lugemus ademptam,
Semidei hic geminus Principis interitum,
Regius hunc Heros GABRIEL desletq; SENATUS.
Pullaii hunc Proceres, purpureiq; Patres,
Qui postq; merito cumularunt flore sepulchrum,
Inferijs, tristes, terq; dedere Vale,
Tu patria Immortale decus Cultissime MONTI
Te digna, Et tanto Principe, uissus agis,
Hæserij ille hæres Solij, quem morte peremptum
Flemus, Parca ferox, quem obstulit ante diem,
Diuorum in numerum, cælesti est sede, receptus,
Virtutum, at terras, Fama secunda uolat,
Debetur sed magna tuis hæc Gloria scriptis,
Quod rerum dominos Indiget are queant,

NO TWENTY-NINTH

TO THE HONORABLE SENATE

OF THE UNITED STATES

IN SENATE, JANUARY 18, 1878.

REPORT

OF THE

COMMISSIONERS OF THE

LAND OFFICE

IN RESPONSE TO A RESOLUTION

PASSED BY THE SENATE

ON JANUARY 11, 1877.

BY ORDER OF THE SENATE,

JOHN C. CALHOUN,

SECRETARY.

WASHINGTON,

1878.

PRINTED BY THE

GOVERNMENT PRINTING OFFICE,

WASHINGTON, D. C.

1878.

1878.

1878.

1878.



